

安肅縣志卷之十

人物 下

儒林

後魏

孫惠蔚字叔炳武進人自言六世祖道恭爲晉長秋卿世以儒學相傳惠蔚年十三粗通詩書及孝經論語十八讀三禮春秋三傳有名於冀方太和初郡舉孝廉對策爲中署博士與高閭同被敕理定雅樂至二十二年侍讀東宮又議定祖宗七廟禮遷秘書丞惠蔚旣入東觀見典籍

未周乃上疏數千言詔許之由黃門侍郎累遷
國子祭酒秘書監仍兼史事自魏初以來儒生
寒官惠蔚最爲顯達神龜元年卒於官贈大將
軍瀛州刺史謚曰戴子伯禮善隸篆拜奉朝請
員外國子博士孫產同少有才學早亡見魏志
劉蘭武遂人年三十餘入小學家人覺其聰敏遂
令從師受春秋詩禮家貧無以自資且耕且學
三年後便求講左氏兼通五經自是經義審博
四方從遊子弟成士者衆永昌中爲國子助教
未幾卒見魏志

明

張玉字荆夫號古軒拔貢任國子學錄正學作人
歸老林泉朴素雅趣藹如也賓鄉飲八十卒

馮仲學字德充遂邑名士以貢任遼東衛教授因
材造士後乞休明農課經爲鄉人取法

甕富字文濟號碧峯少失怙事母孝母訓必跪受
之以貢任海州衛訓導邊城不閑文藝公教之
士習丕變乞休給諫徐伯瞻留之公幡然改赴
部轉寧國卒於官子大倫孫蕙以科貢世其家
陳萬策字嘉謨號麟臺以清介著耽經籍成進士

以兄矩掌司禮監乃請教職授彰德府學教授
分校粵闈首錄韓君上桂桂有織錦廻文詩長
安奇之咸推公知人遷國子監博士尋卒

張嘉德字汝馨號行所郡庠貢生任吳堡司教公
爲人雅好讀書以清介聞嘗著四書精旨二卷
後學宗之及任上大夫薦有高雅之品用世之
才兩語於公不愧

何天恩字君錫號德軒郡庠貢士官至衛輝教授
公爲人和易近人至於汲引後學撫育猶子不
減古人風曾讀書寧國寺捐俸重修其不忘舊

明倫彙編 家範典

字以明字 自罷先是子知馳封不受

字虞廷別號留耕邑諸生博學力行受業
所成就數奇不偶因批業岐黃全活者不
計其數叔貧無依生事死葬公獨任之兄弟早
喪亦拮据成禮教養遺孤如已出宗族有饑寒
則賜之鄉黨有緩急則應之始終無倦真古君
子也新加工部佑有行實紀畧

國朝

王家貧鄉居課農有少婦來僦居公拒之婦
力請不得已許之公家固無婢僕婦卽爲公治
饗殮如是者屢月公待之以禮毫無邪心後公
登康熙丁卯鄉榜未發榜前數日京師有請仙
者降乩云安肅十人與一女子同居三月不動
念上帝嘉之特賜科名榜發果得雋信乎人之
善惡鬼神鑒之能不淫者尤足上感天心謝公
之科名豈偶然哉督學使者以德行科名四字

旌其門

孝友

元

賈秉實字思誠武遂人性純孝凡父母所欲者無
不竭力以奉鄉人皆義之親喪廬墓三年兔馴
於側有司白其事旌之今黑山有秉實墓碣

明

王一祥字允瑞號恒山歲貢官衛輝教授公少穎
異以孝行稱兄陷獄鬻田遣子急拯以歸弟邁
疾幾死躬爲煮粥調藥訓諸子業耕讀曰吾庶
乎遺之以安也張白村贊之曰德粹圭璋文章
山斗蓋實錄云

李正字志道號孝泉幼孤事母以孝有大志殍母
命爲掾旣長乃慨然曰身雖微人品未可限也
授登封丞迎親就祿色養兼至母疾躬侍湯藥
廢寢卧地內外無間言

師道南字從時號穎昌以諸生累封高堂守公少
偶儻稱燕趙士晚乃謹篤有石萬石王彥方之
風其生平最著者孝行友愛諸昆以所析產量
予之曰諸昆弗飽二親弗飽也鄉人以是多之
卒年八十有三語具高陽相公志

孔繼道吏員任廣寧縣歷陞代州同知廉明有才

韓因母老告終養少宰霍公云藥官侍親不怠
吏員中有此宜獎以勸天下後補忻州尋致仕
曹琚字子美號蓮山恩貢官鴻臚爲人博雅能詩
文性至孝萬歷初贊經筵禮賚予甚異因母老
疏請終養山居十載雅志著書有詩文集及博
攷遂州典故顏曰藏山小品以俟采擇成志卒
藉資焉

馮楷字栻夫號望樓鄉貢官至工部主事公爲人
明敏豈弟行年六十孺慕不懈太安人年二十
稱未亡育公劬勞萬狀及公任漢中司理奉太

安人意惟平反是務以故關西無冤民無何太
安人病篤公禱於神願以已壽延母果復安及
擢南繕部適當修孝陵公鳩工著績加五品俸
疏請終養後太安人卒將薦禪公亦卒

師雅助字叔達號對洛進士官翰林檢討公幼聰
慧岐嶷著名譽序間晉玉署年甫弱冠生平喜
談忠孝事每讀書有感不覺拊膺叫絕手錄成
帙時逆璫擅權人皆趨之公獨抗直不阿日得
失命也宦邸迎兩尊人備極孝養旋以病告里
居依慕庭闈而外澹如也丁內外艱躡踊號泣

不知所爲哀毀而卒

謝天相字吉士邑庠生天質孤高與俗情迥異偕妻竇氏事母袁氏以孝聞事師李璉無疾言無遽色二十餘年有如一曰暨李沒貧不能葬力爲營之心喪盡哀後復養其內人存沒無間士林咸推重焉又能循道義訓子女及兵變長女爲張啟忠妻死節邑中咸謂有所本云

秦承枝字汝蘭幼失父事孀母曲盡孝愛撫弱弟成立訓子孫有義方五世同居其爨尤見雍睦之風

劉聚樂父早沒幼孤事母克孝

張有直邑庠生親死廬墓

張心孝邑庠生割股療父疾

李從鯁鬻身爲父治棺槨

榮小兒遂城人幼癡聾人皆以小兒名之父歿家
貧甚假草舍居乞食養母每出入必向母叩頭
食必擇目者跪進母壽至七十餘無疾終小兒
哭泣哀毀旁觀感動咸樂爲助買棺葬母於邑
西之二郎山自後小兒出入仍向母之舊坐處
遷所乞不得則號泣遇拜掃節攜筐乞酒

食哭奠於墓哀失聲終其身如一日年七十歲
亦以無疾終土人耐葬於其母旁邑侯以孝子
匾旌之清苑陳僖爲作傳

劉璟字輝巖號燭齋自幼誠樸宅心寬厚有祖風
年十八父卽委以家事庭訓綦嚴公悉能先意
承志務得歡心待諸弟極友愛親黨有急需輒
傾囊以贈雖自窘無悔容公止一子訓誨不少
姑息而於忠孝大義提命尤切及嗣君嘉兆登
科公不加色喜且戒之曰吾望汝詎止此哉宜
思其遠者大者勿自畫年七十終

戴祺齡字壽山鄉飲大賓堯澤之子耄而好學謙
退似後生居親喪獨處外室足不履內庭三年
如一日教子讀書爲膠庠名士舉貢及期以疾
卒有女適忠烈後裔諸生張友仲事公姑以孝
聞人咸謂公之家教云

姚傻子乞食以奉母母死哀毀動鄉里有兄病癰
傻子擔而行乞夜則寄居古廟後兄病死傻子
抱兄尸哭幾絕鄉人救之乃甦爲捐貲買薄棺
以葬後竟不知其所終邑人商甲徵爲之傳

陳常事親孝母病思肉適大雨不能得常割股以

進母病隨愈教諭鄭兆球爲作傳

李黑子城西張豐社人割股奉親前令郭以孝子
匾旌之

劉溫字秉和由監生捐授州同職喪父時年甫十
二生母彭孺人撫育之教甚嚴公恪守慈訓終
始不逾稱其孝者內外無間言

義行

明

許士賢力田起家成祖靖難師至獻豆二車旣卽
位欲官之辭不就孫伍亦以尚義稱

王恭字彥肅博通經史世以義聞朝廷旌表其閭
祖文盛字道隆號松岩少補諸生孝友雍穆後官
寧遠縣尉生平尚誼好施士民義之

孫光代字汝孝號西原爲人渾厚深沈官工部員
外不樂仕進優游桑梓庇族睦隣婚喪不給者
周之人皆歸德

商朴字華甫歲貢初聘郭氏及將婚女喪明朴
設男喪目女遂不嫁耶務從前約其妻母老
所歸朴養之不懈

張祿欽之曾孫字天爵爲人好義遇歲荒出粟以

賡有不能葬者買棺葬之年九十恩拜壽官

王志儒爲人醇良好施建瀑河石橋修高林村先師廟人皆悅服請賓鄉飲

王學古字汝獲號清溪英資博學著名成均任鞏昌府照磨地僻俗悍日集後學講經習禮士風丕變地方有河汾教授之頌課子賜經賜範俱成膠庠名士

劉騰霄字子翀進士官大理寺評事素質直初任高平左遷州倅補興平擢南大理人疾其簡抗彈之遂拂衣歸少與老儒孔南峯善及孔沒無